



Na osnovu Odluke o raspodjeli sredstava sa pozicije "Dječija nedjelja" za 2016. godinu broj: 13-05-20273/16 od 28.06.2016. godine, Ministrica za rad, socijalnu politiku, raseljena lica i izbjeglice, raspisuje:

## **JAVNI POZIV**

**za prikupljanje prijedloga manifestacija i aktivnosti koji će se finansirati/sufinansirati u okviru obilježavanja "Dječije nedjelje" u Kantonu Sarajevo za 2016. godinu u periodu od 03.- 09.10.2016. godine**

### **I Predmet javnog poziva**

Predmet Javnog poziva je prikupljanje prijedloga manifestacija i aktivnosti koji će se finansirati /sufinansirati u okviru obilježavanja "Dječije nedjelje" u Kantonu Sarajevo za 2016. godinu, sa ciljem podsticaja i organizovanja raznovrsnih kulturno-obrazovnih, rekreativnih i drugih manifestacija i aktivnosti posvećenih djeci na području Kantona Sarajevo.

### **II Pravo učešća**

Na javni poziv mogu se prijaviti ustanove socijalne i dječije zaštite, ustanove predškolskog, osnovnog i školskog odgoja, zdravstvenih ustanova, ustanova kulture, kao i udruženja i fondacije koje djeluju na području Kantona Sarajevo, te druga pravna lica čije su programske aktivnosti usmjerene na unaprjeđenje zaštite porodice i djece, a što dokazuju rješenjem o upisu u registar pravnih lica kod nadležnog organa.

### **III Namjena**

Pravo na korištenje sredstava sa pozicije "Dječija nedjelja" mogu ostvariti aplikanti čiji se predložene manifestacije i aktivnosti odnose na: promociju, edukaciju i unaprjeđenje obrazovanja, vaspitanja i zdravlja djece; kulture i sporta; unaprjeđenje položaja i prava djece sa invaliditetom; unaprjeđenje informisanosti djece i roditelja; edukaciju i zaštitu djece od zlostavljanja, zanemarivanja i zloupotrebe, zaštitu djece bez roditeljskog staranja, smanjenje nasilja među djecom i smanjenje siromaštva djece.

Pravo na korištenje sredstava sa pozicije "Dječija nedjelja" ne mogu ostvariti aplikanti za manifestacije i aktivnosti:

- koje će se realizovati izvan Kantona Sarajevo,
- koje podrazumijevaju donošenje profita i usmjerenost ka stvaranju prihoda,
- koje su istog sadržaja realizovane u prethodnim godinama,
- koje su započete prije zvaničnog datuma početka obilježavanja "Dječije nedjelje" ili će trajati duže od utvrđenog perioda obilježavanja "Dječije nedjelje" u Kantonu Sarajevo ( 03. - 09.10.2016.godine)
- iznajmljivanja ili kupovine objekata (sportske dvorane i slično) i opreme koja nije neophodna za realizaciju projektnih aktivnosti,
- za koje su već obezbijedena sredstva sa jednog od nivoa vlasti ili stranog donatora.

### **IV Uslovi za učešće na Javnom pozivu**

Potpuna dokumentacija za prijavu na Javni poziv treba da sadrži:

- obrazac prijave na Javni poziv u dva primjerka koji sadrži detaljan opis projekta za čije se finansiranje ili sufinansiranje podnosi prijava, korisnike i značaj realizacije manifestacije i aktivnosti za korisnike, očekivani rezultat, mjesto i vrijeme realizacije manifestacije i aktivnosti i detaljan finansijski plan,

- rješenje o upisu u registar pravnih lica kod nadležnog organa (ovjerena fotokopija) i izvod iz registra ne stariji od 6 mjeseci,
- identifikacioni broj (ovjerena fotokopija),
- bilans stanja i bilans uspjeha za predhodnu godinu, osim za udruženja registrovana u tekućoj godini.

## V Kriteriji za ocjenu manifestacija

Kriteriji za ocjenu manifestacija su:

- obuhvat djece,
- usklađenost predloženih manifestacija i aktivnosti sa uslovima Javnog poziva,
- dužina trajanja manifestacija i aktivnosti,
- broj partnerskih organizacija na realizaciji manifestacija i aktivnosti,
- stručnost osoblja angažovanog na realizaciji manifestacija i aktivnosti,
- finansijski ili drugi vid ličnog učešća aplikanta ( ljudski i tehnički resursi ) u realizaciji manifestacija i aktivnosti,
- očekivani efekat realizacije manifestacija i aktivnosti,
- doprinos projekta u ostvarenju namjene obilježavanja "Dječije nedjelje" i
- promovisanje ponuđenih manifestacija i aktivnosti putem medija.

## VI Vrednovanje i izbor manifestacija i aktivnosti

Pregled i vrednovanje predloženih manifestacija i aktivnosti će na osnovu kriterija za ocjenu istih izvršiti Komisija za ocjenu i odabir manifestacija i aktivnosti koji će učestvovati u obilježavanju "Dječije nedjelje" u Kantonu Sarajevo za 2016. godinu, a koju imenuje ministrica za rad, socijalnu politiku, raseljena lica i izbjeglice.

Izbor projekata i izradu rang liste će vršiti Komisija iz stava 1. ovog člana na osnovu kriterija iz člana V Listu manifestacija i aktivnosti koji će biti realizovane u okviru obilježavanja "Dječije nedjelje" u Kantonu Sarajevo za 2016 godinu utvrđuje ministrica za rad, socijalnu politiku, raseljena lica i izbjeglice, na prijedlog Komisije iz stava 1. ovog člana.

## VII Podnošenje prijave

Prijave na Javni poziv sa potrebnom, naprijed definisanom dokumentacijom, dostavljaju se u zatvorenoj koverti sa naznakom " NE OTVARAJ - Prijava na Javni poziv za obilježavanja "Dječije nedjelje" u Kantonu Sarajevo za 2016. godinu". u Pisarnu Kantona Sarajevo ili poštom na adresu: Kanton Sarajevo, Ministarstvo za rad, socijalnu politiku, raseljena lica i izbjeglice, ul. Reisa Džemaludina Čauševića broj 1, 71000 Sarajevo.

Javni poziv će biti objavljen na službenoj web stranici Ministarstva [www.mrsri.ks.gov.ba](http://www.mrsri.ks.gov.ba) i prijave na isti mogu se podnositi u periodu od 01.07-20.07.2016. godine.

Obrazac će biti moguće preuzeti na web stranici Ministarstva i u Pisarni Kantona Sarajevo.

Nepotpune i neblagovremene prijave neće biti uzete u razmatranje.

Odluka o odabranim projektima objavit će se na službenoj web stranici Ministarstva [www.mrsri.ks.gov.ba](http://www.mrsri.ks.gov.ba).

Broj: 13-05-20273/16

Sarajevo, 28.06.2016.godine



MINISTRICA

Amela Dautbegović



web: <http://www.mrsri.ks.gov.ba>

e-mail: [mrsri@mrsri.ks.gov.ba](mailto:mrsri@mrsri.ks.gov.ba)

Tel: + 387 (0) 33 562-089, Fax: + 387 (0) 33 562-090

Sarajevo, Reisa Džemaludina Čauševića 1.